

HARVARD COLLEGE LIBRARY
FROM THE
HARVARD-YENCHING
INSTITUTE
AUG 30 1929

26

~~Ch L 9299.414~~

~~Ch L 9301.414~~

9

3

廣博物志卷之四十二

隴西董斯張纂

靜勝文庫

閩中曹學佺訂

草木一

穀

芝

諸草

諸木

哈佛大學哈佛葉宗圖書館珍藏印

天文以七列精以五故嘉禾之滋莖長五尺五
七三十五神盛故連莖三十五穗以成盛德禾
之極也 春秋說題辭

都廣之野百穀自生冬夏播琴

播琴猶播殖○山海經

粟神名許給姓庸天

麥神名福習

黍神名

併倭蘭郝

荳神名靈殖姓樂

春秋佐助期

甲貨之戶曰粢為上物賈七十乙貨之戶曰黍
 為中物石六十丙貨之戶曰赤荳為下物石五
 十丁貨之戶曰稻粟令為上種石四十戊貨之
 戶曰麥為中物石三十己貨之戶曰大荳為下
 物石二十庚貨之戶曰穠比疏食故無賈辛貨
 之戶曰果比疏食無賈壬癸無貨

越絕書

夫稼為之者人也生之者天也養之者地也是
 以稼之容足耨之容耰耘之容手是謂耕道農
 攻食工攻器賈攻貨時事不襲效之以土功是
 謂大凶凡稼蚤者先時暮者不及時寒暑不節
 稼乃多災冬至已後五旬有七日而昌生於是
 乎始耕事農之道見生而藝生見死而獲死天
 發時地產財不與人期有年祀土無年祀土無
 失人時追時而作過時而止老弱之力可使盡
 起不知時者未至而逆之既往而慕之當其時
 而薄之此從事之下也夫耨必以旱使地肥而
 土緩稼欲產於塵土而殖於地堅者慎其種勿

使數亦無使疎於其施土無使不足亦無使有
餘畝欲深以端畝欲沃以平下得陰上得陽然
後盛生立苗有行故速長強弱不相害故速大
正其行通其中疏爲冷風則有收而多功率稼
望之有餘就之則疏是地之竊也不除則蕪除
之則虛是事之傷也苗其弱也欲孤其長也欲
相與居其熟也欲相與扶三以爲族稼乃多穀
凡苗之患不俱生而俱死是以先生者美米後
生者爲糝是故其耨也長其兄而去其弟樹肥
無使扶疎樹境不欲專生而獨居肥而扶疎則
多糝境而獨居則多死不知耨者去其兄而養
其弟不收其粟而收其糝上下不安則稼多死
得時之禾長稠而大穗圓粟而薄糠米粘而香
春之易而食之強失時之禾深芒而小莖穗銳
多糝而青藿得時之黍穗不芒以長搏米而寡
糠失時之黍大本華莖葉膏短穗得時之稻莖
葆長稠穗如馬尾失時之稻纖莖而不滋厚糠
而菑死得時之麻疎節而色陽堅臬而小本失

時之麻蕃柯短莖岸節而葉蟲得時之菽長莖
 而短足其莢二七以為族多枝數節競葉繁實
 稱之重食之息失時之菽必長而蔓浮葉虛本
 疎節而小莢得時之麥長稠而頸族二七以為
 行薄翼而蘗色食之使人肥且有力失時之麥
 附腫多病弱苗而莢穗是故得時之稼豐失時
 之稼約庶穀盡宜從而食之使人四衛變強耳
 目聰明凶氣不入身無苛殃善乎孔子之言冬
 飽則身溫夏飽則身涼夫溫涼時適則人無病
 瘳人無病瘳是疫癘不行故曰穀者人之天是
 以興王務農王不務農是棄人也王而棄人將
 何國哉 亢倉子

嘉禾五穀之長王者德盛則二苗共秀於周德
 三苗共穗於商德同本異穗於夏德異本同秀

宋書

巨鬯三禺之禾一稔二米王者宗廟修則出 上

周時倭人貢鬯草

破藏稷遍麥稷此二者以四月熟 廣志

廣博物志 卷之四十二 三 高華堂

黍有燕鵠黍牛黍

秔有烏秔白穰青幽白夏之名

並上

汜勝之種殖書無稷

爾雅釋文

獲菽尋汜氏之書露葵徵尹君之錄

類林

獲再生者名稻孫

稻書

郭上之黍北里之禾一茅三脊

封禪所藉也○管子

玄山之梨不周之稻陽樸之薑越裳之梅

崔駰七依

華鄉重秬滄皋香秔

南郊賦

雍丘之梁清流之稻

魏都

江表唯長沙有好米上風炊之五里聞香

魏文帝書

鄂都山上樹木水澤如世間但稻米粒幾大味

如菱其餘四穀不爾但名稻為重思耳杜瓊作

重思賦曰霏霏春茂翠矣重思靈炁交被嘉穀

應時四節既享祝人以祀神禾鬱乎浩京巨穗

橫我玄臺爰有明祥帝者以熙此之謂矣

真誥

因祗國丈夫勤於耕稼一日鋤十頃地又貢嘉

禾一莖盈車故時俗四言詩曰力勤十頃能致

嘉穎

拾遺記

員嶠多大鵠高一丈銜不周之粟粟穗高三丈
粒皎如玉鵠銜粟飛于中國其粟食之歷月不
饑

有背明之國來貢其方物言其鄉在扶桑之東
見日出於西方其國昏昏常暗宜種百穀名曰
融澤方三千里五穀皆良食之後天而死有浹
日之稻種之十旬而熟有翻形稻言食者死而
更生天而有壽有清明稻食者延年也清腸稻
食一粒歷年不饑有搖枝粟其枝長而弱無風
常搖食之益髓有鳳冠粟似鳳鳥之冠食者多
力有遊龍粟葉屈曲似遊龍也有瓊膏粟白如
銀食此二粟令人骨輕有繞明苳其莖弱自相
縈纏有挾劍苳其莖形似人挾劍橫斜而生有
傾離苳言其苳見日葉垂覆地食者不老不疾
有延精麥延壽益氣有昆和麥調暢六府有輕
心麥食者體輕有醇和麥爲麴以釀酒一醉累
月食之凌冬可袒有含露麥穗中有露味甘如
飴有紫沉麻其實不浮有雲冰麻實冷而有光

宜為油澤有通明麻食者夜行不持燭是芭藤也食之延壽後天而老並上

神農就田作耨天應以嘉穀禮含文嘉

禹時天雨稻古詩云安得天雨稻飼我天下民

述異記

西方佛沙伏國有昔尸毗王倉庫為火所燒其粳米焦然於今猶在若服一粒永無瘧患彼國人民須以為藥伽藍記

炎帝時有丹雀銜九穗禾其墜地者帝乃拾之以植於田食者老而不死拾遺記

丙午至于鷓韓氏爰有樂野溫和稔麥之所草

穆天子傳

八駿東征止收黑水之麥七華西討纔獲苦山

之菜周弘正謝敷賈紫鮮啓

桓公觀於野曰何物可比於君子之德乎隰朋

對曰夫粟內甲以處中有卷城外有兵及未敢

自恃自命曰粟此其可比於君子之德乎管仲

曰苗始其少也朏朏何其孺子也至其壯也莊

莊乎何其士也至其成也由由乎茲免何其君子也天下得之則安不得則危故命之曰禾此其可比於君子之德矣

管子

文公得玄山之粟而美之欲種之宮中問于冀缺對曰臣嘗服稼穡之事矣凡五穀必以種今君所植者末也種之必不能生公曰寡人不慧不知稼穡微子之言惑其不解乎冀缺曰務農重穀國之本也君之言及此晉國之福也

晉史乘

吳起欲攻小亭置一石赤黍門外令人能徙此至於西門外者賜之上田宅人爭徙之乃下令曰明日攻秦能先登者仕之大夫賜之上田宅於是攻之一朝而拔

韓非子

歸州有米田屈原耕此產白米似玉

范冉遭黨珣推鹿車載妻子以捃拾自資兒嘗拾得五斛麥鄰人遺之一斛冉後知即令併送

六斛還

後漢書

蔡茂初在廣漢夢坐大殿極上有三穗禾茂跳取之得其中穗輒復失之以問主簿郭賀賀離

席慶曰大殿者官府之形象也極而有禾人臣之上祿也取中穗是中台之位也於字禾失為秩雖曰失之乃所以得祿秩也袞職有闕君其補之旬月而茂徵焉上

孔融教高密令曰志士鄧子然告困焉得愛釜庾之間以傷烈士之心與荳三斗

吳孫亮五鳳元年六月交趾稗草化為稻昔三苗將亡五穀變種此草妖也其後亮廢

晉書

全琮父使琮齎米數千斛到吳交易皆散空船而還曰所市非急而士大夫方有倒懸之患便

賑贍不啓報父父大奇之

吳志

魯肅不治家事以賑窮結士為務周瑜為居巢長過肅并求資糧肅時有兩困米各三千斛肅乃指一困與瑜瑜遂定僑札之交上

衛倫過予言及於味稱魏故侍中劉子陽食餅知鹽生精味之至也予曰荀勗識勞薪易牙別

淄澠子陽今之妙也定之何難倫因命僕取糗糧以進予嘗之曰麥也有杏李柰味三果之熟

也不同意焉得兼之倫笑而不答退告人曰士
 安之識過劉氏吾將來家實多故杏時將發糝
 以杏汁李柰又糝以李柰汁故兼三味玄晏春秋
 余慎終屋之南榮有孤黍生焉因泥之濕遭雨
 之潤宿昔芽蘖滋茂其速塗燥根淺忽然萎殞
 深感此黍不韜種以待時貪榮棄本寄身非所
 自取凋枯不亦宜乎晉嵇含孤黍賦序

王褒字偉元計口而食嘗刈麥人助之褒棄之

魏志

郭翻少有志操居貧無業起往古荒田先立表
 題經年無主然後乃作將熟有認之者翻悉推
 與之縣令聞以稻歸翻翻不受晉中興書

東魏後靜帝天保初四月禾夜生於帝銅硯中
 及明晨長數寸有穗其年帝遇鴆而崩廣五行記

隋文創歷佛教大興廣募遺僧依舊安置時梗
 梓一谷三十餘僧應詔出家並住官寺唯道安

依本山居守素林壑時行村聚惠益生靈村中
 日遺生者家徒壁立而有四女著幣布齊膝而

已四女赤露大女名華嚴年已二十唯有麤布
二尺擬充布施安引村衆次至其門愍斯貧苦
遂度不入大女思念由我貧煎不及福會今又
不修當來倍此周徧求物聞爾無從仰面悲號
遂見屋甍一把亂麻用塞明孔挽取科揀得穀
十餘按以成米并將前布擬用隨喜身旣無衣
待至夜暗匍匐而行趣齋共所以前施物遙擲
衆中十餘粒米別奉炊飯因發願曰女人窮業
久自種得竭貧行施用希來報輒以十餘黃米
投飯甑中必若至誠貧業盡者當願所炊之飯
變成黃色如無所感命也奈何作此誓已掩淚
而返於是甑中五石米飯並成黃色大衆驚嗟
未知所以周尋緣構乃云田遺生女之願力也

高僧傳

滕景真在廣州七層寺元徽中罷職歸家婢炊
釜中忽有聲如雷米上芄芄隆起滕就視聲轉
壯甑上花生數十漸長似蓮花色赤有光侶金
俄傾萎滅旬日滕得病卒

異苑

考功郎竇一嘲麥鐵杖曰麥是何姓鐵杖應聲對曰麥豈不殊邪忽相怪竇赧然無以應之

○以
下芝

芝英者王者親近者老養有道則生 宋書

句曲山五芝求之者投金環二雙於石間勿顧念必得矣第一芝名龍仙食之為太極仙第二芝名叅成食之為太極大夫第三芝名燕胎食之為正一郎中第四芝名夜光洞草食之為太清左御史第五芝名料玉食之為三官真御史

茅君內傳

閬野者閬風之府是也崑崙上有九府是為九宮太極為太宮也諸仙人俱是九宮之官僚耳至於真人乃九宮之公卿大夫仙官有上下各有次秩仙有左右府而有左右公左右卿左右大夫左右御史也明大洞為仙卿服金丹為大夫服象芝為御史若得太極隱芝服之便為左右仙公及真人矣 真誥

羅江大霍有洞臺中有五色隱芝華陽洞亦有

五種夜光芝良常山有螢火芝此物在地如螢
 火狀其實似草而非也大如荳形紫華夜視有
 光得食一枚心中一孔明食七枚七孔明可夜
 書計得食四十七枚壽萬年包山中有白芝又
 有隱泉之水正紫色華陽雷平山有田公泉水
 飲之除腹中三蟲與隱泉水同味云是玉砂之
 流津也用以浣衣不用灰以此為異耳上

食四節隱芝者位為真卿食金闕玉芝者位為
 司命食流明金英者位為司祿食長曜雙飛者
 位為真伯食夜光洞草者總主左右御史之任

真仙
通鑑

名山生神芝不死之草上芝為車馬形中芝為
 人形下芝為六畜形

石芝者石象芝生於海隅名山及島嶼之涯有
 積石者其狀如肉象有頭尾四足者附於大石
 赤者如珊瑚白者如截肪黑者如澤漆青者如
 翠羽黃者如紫金而皆光明洞徹如堅冰也晦
 夜去之三百步便望見其光矣大者十餘觔小

三十五

者三四觔非久齋至精及佩老子入山靈寶五符亦不能得見此輩也凡見諸芝且先以開山却害符置其上則不得復隱蔽化去矣徐徐擇王相之日設醮祭以酒脯祈而取之從日下禹步閉氣而往也玉脂芝生於有玉之山常居懸危之處玉膏流出萬年已上則凝而成芝有似鳥獸之形色無常采率多似山玄水蒼玉也亦鮮明如水精得而末之以無心草汁和之須臾成水服一升得一千歲也七明七光芝皆石也生臨水之高山石崖之間狀如盤碗不過徑尺以還有莖蒂連綴之起三四寸有七孔者名七明九孔者名九光光皆如星百餘步內夜皆望見其光其光自別可散不可合也常以秋分伺之得之搗服方寸匕入口則翕然身熱五味甘美盡一觔則得千歲令人身有光所居暗地如月可以夜視也石蜜芝生少室石戶中戶上刻石爲科斗字曰得服石蜜芝一斗者壽萬歲石桂芝生各山石穴中似桂樹而實石也高尺許

大徑尺光明而味辛有枝條擣服之一觔得千歲也石腦芝生滑石中初破之其在石中五色光明而自動服一升得千歲矣石硫黃芝五嶽皆有而箕山爲多其方言許由就此服之而長生故不復以富貴累意不受堯禪也如此有百二十皆石芝也事在太乙玉策及昌字一作內記不可具稱也及夫木芝者松脂淪入地千歲化爲茯苓萬歲其上生小木狀似蓮花名曰木威喜芝夜視有光持之甚滑燒之不然帶之辟兵以帶雞而雜以他雞十二頭共籠之去之十_二步射十二箭他雞皆傷帶威喜芝者終不傷也從生門上採之於六甲陰乾之百日末服方寸七日三盡一枚則三千歲也千歲之栢木其下根如坐人長七寸刻之有血以其血塗足下可以步行水上不沒以塗人鼻以入水水爲之開可以止住淵底也以塗身則隱形欲見則拭之又可以治病又刮以雜巨勝爲燭夜遍照地下有金銀玉寶藏則光變青而下垂以錘掘之

可得也末之服盡十觔則千歲也又松樹枝三千歲者其皮中有聚脂狀如龍形名曰日飛節芝大者重十觔末服之盡十觔得五百歲也菌芝或生深山之中或生大木之下或生泉之側其狀或如宮室或如車馬或如龍虎或如人形或如飛鳥五色無常亦百二十種自有圖也皆當禹步往採取之刻以骨刀陰乾末服方寸七人人昇仙中者數千歲下者千歲也又有樊桃芝其木如昇龍其花葉如丹羅其實如翠鳥高不過五尺生於名山之陰東流泉水之上以立夏之候伺之得而未服之盡一株得五千歲也參成芝赤色有光扣之枝葉如金石之音折而續之卽復如故木渠芝寄生大木上如蓮花九莖一叢其味甘而辛建木芝實生於都廣其皮如纓蚘其實如鸞鳥此三芝得服之白日昇天也黃盧子尋木華玄液華此二芝生於泰山要鄉及奉高有得而服之皆令人壽千歲黃蘗檀桓芝服之者千歲黃蘗木下根有如三斛器去

本株一二十余丈有以細根相連狀如縷得末而服之盡一枝則成地仙不死也此輩復有百二十種自有圖也草芝有獨搖芝無風自動其莖大如手指赤如丹素葉似莧其根有大魁如斗有細者如雞子十二枝周繞大根之四方如十二辰也相去丈許皆有細根如白髮以相連生高山深谷之上其所生左右無草得其大魁末服之盡則得千歲服其細者一枝百歲可以分他人也懷其大根卽隱形欲見則左轉而出之牛角芝生虎壽山及吳坂上狀似蔥特生如牛角長三四尺青色末服方寸七日三至百日則得千歲矣龍仙芝狀似昇龍之相負也以葉爲鱗其根則如蟠龍服一枝則得千歲矣麻母芝似麻而莖赤色花紫色紫珠芝其花黃其葉赤其實如李而紫色二十四枚輒相連而垂如貫珠也白苻芝高四五尺似梅常以大雪而花季冬而實朱草芝九曲曲有三葉葉有三世也五德芝狀似樓殿莖方其葉五色各具而不雜

上如偃蓋中有甘露紫氣起數尺矣龍御芝常以仲春對生三節十二枝下根如坐人凡此草芝又有百二十種皆陰乾服之則令人與天地相畢或得千歲二千歲抱朴子

青雲芝生於名山之陰青蓋三重上有雲氣覆之食之令人壽能乘雲通天見鬼神

續古今註

靈芝一名壽潛一名希夷

漢武內傳

西王母云仙藥有太真紅芝草

文山紫芝雍梁朱草生長和氣王以為寶

焦氏易

瑤光得陵出黑芝

運斗樞

有七色芝生玉梁下其色青光輝耀謂之蒼芝

拾遺

記

欲求芝草入名山必以三月九月此山開出神藥之月也勿以山恨日必以天輔時三奇會尤佳出三奇吉門到山須六陰日明堂之時帶靈寶符牽白犬抱白雞以白鹽一斗及開山符檄着大石上執吳唐草或作花一把以入山山神喜必得之也又採芝及服芝欲得王相專和之日

支于上下相生為佳此諸芝名山多有之但凡庸道士心不專精行穢德薄又不曉入山之術雖得其圖不知其狀亦終不能得也 抱朴子

柱無故生芝者白為喪赤為血黑為賊黃為喜其形如人面者亡財如牛羊者遠役如龜蛇之

類者田蠶耗 彙苑

林屋洞有白芝紫泉

月精芝秋生山羊石上服之長生

炎帝始教民耒耜勤畎畝之事百穀滋阜聖德

所感無不著焉神芝發其異色靈苗擢其嘉穎

陸池丹渠駢生如蓋香露滴瀝下流成池因為

秦龍之圃朱草蔓衍於街衢卿雲蔚藹於叢薄

拾遺記

黃帝以五芝為房名 徐整長曆

黃帝陞鴻隄受神芝於黃蓋 路史

章帝元和二年芝生沛如人冠又生章武如人

抱三子狀建初五年芝生潁川常以六月中生

一葉五歲五重春青夏紫秋白冬黑色十月後

黃氣出上尺五寸古今注。以下諸草。

陸機為詩草木疏劉杳為離騷草木疏

曰馮生陽闕曰馮木之先也。陽闕生喬如喬如生幹木

幹木生庶木凡根拔木者生於庶木根拔生程

若根拔草先也。程若生玄玉玄玉生醴泉醴泉生皇

辜皇辜生庶草凡根拔草者生於庶草海間生

屈龍海間浮草之先也。屈龍生容華容華生葉葉生萍

藻萍藻生浮草凡浮生不根拔者生於萍藻淮南

子

凡草生而初達謂之葆江淮陳之內謂之茂青

齊兌冀之間謂之藁燕之北鄙朝鮮冽水之間

謂之策故傳曰慈母之怒子也雖折藁答之其

惠存焉方言

薙氏主除草者。掌殺草草害稼穡。春始生而萌之春

氣始達故萌之而弗治也。夏日至而夷之夷平也謂迫地而刈之也夏至一陰

生故可以夷之也。秋繩而芟之含實曰繩芟其繩則不成熟矣。冬日至

而耜之冬至一陽生則用耜以去根也。若欲其化也欲化則為土。則

以水火變之以火而燒其芟夷之本末又從而加之以水也。掌凡殺草

之政令 周禮

柞氏 主除木者 掌攻草木及林麓 攻治也積木曰麓 夏

日至令刊陽木而火之 刊謂斫去其皮也山南曰陽陽木以至陽之日

刊而 火之 冬日至令剝陰木而水之 剝亦刊也山北曰陰陰木以至

陰之日剝而水之則陽木陰木皆不復生矣 若欲其化也 欲其化也而為日則

春秋變其水火 則陰木至春又從而火之陽木至秋又從而水之則無萌蘖之

矣 生 凡攻木者掌其政令 凡治木者皆有政以正之令以命之○上

木 有松栢榿檀之倫百八十餘種草有芝英萍

寶靈沼黃精白符竹嬰戒火長生不死者萬數

列仙傳序

草蘇白蓉也 苾蓐蕨也 萑菴也 王白菴也 菹蕝

一 蒸蘆慈蔣也 菡蔕地榆也 莪蒿蘆蒿也 蘭蘭

一 類茅蔽也 廉薑蓂也 草蒿青蒿也 荷乳苦杞

一 游冬苦菜也 麥姑艾但鹿何澤鞠也 董羊躑

一 十莖牛薺也 馵耳馬莧也 邛昌陽菖蒲也 孳

一 六芍藥也 薪莫馬辛也 葑葑魚薺也 狗薺大室

一 薨也 薊萑也 會及五味也 山蕲當歸也 芪母兒

一 踵東棍也 郝蟬也 蓼也 飛廉扇蘆也 伏豬木禾

也貝父藥實也王連棘苑遠志也其上謂之小草黃良大黃也菀蒼黃文內虛黃芩也因塵馬先蚺象馬麻蚺床也蔓莠也常蓼馬尾蒿蔞也鬼桃鈹弋羊桃也虎蘭澤蘭也裏續斷也地髓地黃也薰草蕙草也茯神茯苓也菀葳陵茗蘧麥也女蘿松蘿也陵澤甘遂也馬唐馬飯也山薑菜也地血茹蘆蓂也兔耳兔絲也地筋枸杞也地毛莎隋也美丹甘草也苦萃款凍也黃精龍銜也細條少辛細辛也菝葜狗脊也陵芟薜荷也莢明羊角也苓耳菴常泉胡泉泉耳也雞狗獮哺公也羊躑躅英光也堇藿也華藜也寄生屏寄生也犁如桔梗也白菜牡丹也龍木龍須也棗莖澤棗也顛棘女木也陵遊龍膽也鹿腸玄參也地精人葠也苦心沙參也其蒿青藜也飛芝烏毒也楚蘅杜蘅也葑茹水芋烏芋也龍沙麻黃也無心鼠耳也女腸女宛也天豆雲實也蘆薈也笠竹也其表曰篋其裏曰本篋籜籜籜桃支也箭籜籜也菌蕈也其葉謂之蕙蕈芋

也其莖謂之軟孳茄鳧葵也菟薺也荆葵菽也
菘莫也苞菰也水苜蓿也屈居盧茹也醜菽菱
菘也菘子菜也山蔴菽香藁本也貫節貫衆也
贛起實章呂也女青烏葛也巴未巴荳也烏睨
廉也燕萸萸舌也苾莫苾草也葭茨雞頭也周
麻也土瓜菹也葵茹瓠瓢王瓜也王廷儲萸署
預也恆山蜀黍也藟藤也石髮石衣也采蘩采
也秆稔稽稟也黍穰謂之稊稻穰謂之稈稷穰
謂之穠麻黃莖狗骨也白芷其葉謂之葍公蕒
穰菜薺萇荏蘇也秬稷也秫稷也粳粳稊稊稊
也麩糜也大荳赤也小荳荅也𦉰荳豌荳留荳
也胡荳蜂躩也大麥麩也小麥麩也葍菘茅穗
也蒲穗謂之萑籥籥箛箛箭箭也蕪奚毒
附子也一歲爲薊子二歲爲烏喙三歲爲附子
四歲爲烏頭五歲爲天雄藟葩菁藥花華也樗
杜蔽菱菱株棍也隋蓆也萌芽留夢孽也蘇菜
芬莽蘆毛草也草藪生爲薄著耆也益母充蔚
也管茅也粢黍稻其采謂之禾荳角謂之莢其

葉謂之藿英葯莠也苗莒芙蓉也韭鱣蕎其華
 謂之菁藟葵也藿梁木稷也蒿藜蕪也蒼臺也
 菟藺也菰蔣也其米謂之胡荳龍韻馬蓼也賈
 蘆也繁母芴勃也菴蘆蘆蔽也豐蕘蕪精也匏
 瓠也冬瓜瓠也水芝瓜也其子謂之瓠龍蹏虎
 掌羊骹兔頭桂支蜜筍醜瓠狸頭白瓠無餘縑
 瓜屬也狗蝨鉅膝邗胡麻也芬菴水蘇也當道
 馬舄也鞠菌鞠生也徐長卿鬼督郵也附支通
 草也鬼箭神箭也篋盆陸英莓也海羅海藻也
 地葵地膚也狼毒也慈苾蘭蕩也菀鉤吻也筍
 邪烏韭也在屋曰筍邪在墻曰垣衣馬鱣荔也
 水衣浴也交菜藻也蘘荷蓴苴也蔗鹿藿也鳶
 尾鳥蓮射干也木實酸木狐桃也烏楚菑也白
 芷菀蕘也馬帚屈馬第也蕪蒲莞也矜禽也楚
 荆也壯荆曼荆也穀楮也栝栢也道梓松也栲
 棗擇楸欄欒也楮櫛柰也林格也含桃櫻桃也
 山李崔其蠶也視櫟欒越株菜莢也楛株也梲
 支也枚檠條也芻校椶柴也藁薪也笱枳又枝

股也柯莖也本幹也肄枿也檣掩蘊榛也僕蘊落也木藜生曰榛樗棗梨也亲桌也穉柔也柚棒也檉櫟也杆柘也杜仲曼榆也重皮厚材也木欄桂欄也益智龍睨也山榆母佑也柘榆榿榆也梔子楸桃也宛童寄生檇也秀龍巢也下

支謂之桺櫛 廣雅

君乘木而王其政昇平則福草生 禮斗威儀

朱草日生一葉至十五日生十五葉十六日一

葉落終而復始 大戴明堂篇

王者德至於地則華萃感 雙蓮為華○援神契祥瑞圖

菟菹可以剖鼈朱草可以剖人 北書

恒山有太玄泉神草十九種服之可以度世 五嶽

圖

蓮花一名玉環 三餘帖

昭帝穿淋池廣千步中植分枝荷一莖四葉狀

如駢蓋日照則葉低蔭根莖若葵之衛足名曰

低光荷實如圓珠可以飾佩花葉葳蕤芬馥之

氣徹十餘里食之令人口氣常香益脈理病官

人貴之每遊宴出入必皆含嚼或翦以爲衣或折以蔽日以爲戲弄楚辭所謂折芰荷以爲衣意在斯也亦有倒生菱莖如亂絲一花千葉根浮水上實沉泥中名紫泥食之不老帝時命水嬉遊宴永日土人進一豆槽帝曰桂楫松舟其猶重樸况乎此槽可得而乘也乃命以文梓爲船木蘭爲拖刻飛鸞翔鷁飾於船首隨風輕漾畢景忘歸乃至通夜使宮人歌曰秋素景兮泛洪波揮纖手兮折芰荷涼風淒淒揚倬歌雲光開曙月低河萬歲爲樂豈云多帝乃大悅起商臺於池上及乎末歲進諫者多遂省薄遊幸堙毀池臺鸞舟芰荷隨時廢滅今臺無遺址溝池

已平

拾遺記

靈帝遊於西園起裸遊館千間采綠苔而被堦引渠水以繞砌周流澄澈乘船以遊漾使宮人乘之選玉色輕體以執篙楫搖漾於渠中其水清澄以盛暑之時使舟覆沒視宮人玉色者又奏招商之歌以來涼風也歌曰涼風起今日照

渠青荷書偃葉夜舒惟日不足樂有餘清絲流
 管歌玉鳧千年萬歲喜難踰池中植蓮大如蓋
 長一丈南國所獻其葉夜舒晝卷一莖有四蓮
 叢生名曰夜舒荷亦云月出則舒也故曰望舒
 荷上

滄州金蓮花研之如泥綵繪與真金無異

杜陽編

西晉長興年中長沙城河陸地生青蓮兩朵官
 司掘得一瓦棺開見一僧形貌儼然其花從舌
 根頂顱出生父老曰昔有一僧誦法華經萬餘

部臨終葬以瓦棺今寺名瓦棺寺

搜神記

王敦在武昌齡下儀仗生蓮花五六日而落

右軍日以文翰山水自娛常為臨川內史置宅

於城東臨迴溪據層阜時時與賓客遊從溫州

城外百里皆荷花公乞守其地庭列五馬繡鞍

金勒每出遊即控之從南門登舟賞荷花人望

之如神仙

後主武平中特進侍中崔季舒宅中池內蓮莖
 皆作胡人面仍着鮮卑帽俄而季舒見殺

北齊書

和訶條國在大海之中有大山山有石井井中生千葉白蓮花井邊青石上有四佛足跡合有八跡月六齋日彌勒菩薩與諸天神禮佛跡竟便飛去

支僧載外國事

蘭一名媚世

退居錄

蘭為百草之長葵為百蔬之王

玄覽

帝堯世有金道華種蘭

路史

都梁山縣有小山山有淳水既清且淺其中悉生

蘭草綠葉紫莖芳風藻谷蘭馨遠馥俗謂蘭為

都梁山因以號縣受名焉

盛弘之荊州記

菊有五美焉黃花高懸準天極也純黃不雜后

土色也早植晚登君子德也冒霜吐頰象勁直

也杯中輕體神仙食也

鍾會賦

酈縣菊花水太尉胡廣久患風羸恒汲飲此水

後疾遂瘳年近百歲

盛弘之荊州記

榮陽郡西有靈源山其澗生靈芝石菌巖有紫

菊

王韶之神境記

康風子服甘菊花栢實散得仙

神仙傳

日精一名更生一名陰成一名朱羸一名女節

草本

葶藶死於盛夏款冬花於嚴寒

董子

將離贈勺藥勺藥一名可離相招贈文無文無

一名當歸欲忘人之憂贈丹棘丹棘一名忘憂

欲蠲人之忿贈青裳青裳一名合歡

古今注

按仙方中自有合離草一名獨搖一名離母所

以為之合離離母者小草為物下根如芋魁有

遊子十二枚周環之去大魁數尺雖相須而實

不連但以氣相屬耳如兔絲之草下有伏兔之

根無此兔在下則絲不得生於上然實不屬也

抱朴子

玉衡星散為菖蒲遠雅頌著倡優則玉衡不明

菖蒲冠環

運斗樞

聖王之世功濟天下者堯也天星降精於庭為

韭感而為菖蒲焉

典術

梁武帝母張氏見菖蒲生花傷人皆不見吞之

已而生帝

梁書

孝文帝南巡至新野臨潭水而見菖蒲花乃歌曰兩菖蒲新野樂遂為建兩菖蒲寺以美之後魏

典略

宣山中菖蒲一寸二十節堅芬之極羅浮山記

芙蓉一名水芝丹一名澤芝一名水花古今注

漢昭帝遊柳池有芙蓉紫色大如斗花葉柔甘

可食芬氣聞十里之內洞冥記

宋元嘉六年賈道子行荆上明見芙蓉方發聊

取還家聞華有聲怪是得一舍利白如真珠焰

照梁棟太平御覽

梁元帝竹林堂中多種薔薇康家四出薔薇白

馬寺黑薔薇長沙千葉薔薇多口彙並以長格

校其上使花葉相連其下有十間花屋仰而望

之則枝葉交映迫而察之則芬芳襲人寰宇記

萱草一名紫萱吳中書生呼為療愁花述異記

芡一名鴈頭古今註

鳧伯子常遊翠水之涯采菱而食之洞冥記

萬蓮葉如鳥翅一名鳥羽一名鳳翼花大者其

色多紅綠紅者紫點綠者紺點俗呼為仙人花
一名連纈花 古今注

茱萸別名秋子

有以茱萸令郭璞射之璞曰子如赤鈴玄珠案

文言是茱萸

洞林

露葵蔡朗父名純因名萼菜曰露葵

小荳花名腐婢

和氣勿薄陰陽得理則配玄榮於堂配玄卽今

水僊也

三餘帖

青膚苔也

苔謂之澤葵又名重錢南人呼為垢草

述異記

垣衣一名昔邪在屋上曰屋遊石上謂之陟釐

草本

萍大者名蘋一名水白一名水簾 上

浮萍一名萍無根而浮江東謂之藻浮於水一

夕生九子故名九子萍

長揚水側生異花路人欲摘者皆當先請不敢

扳取

水經注

樂遊苑自生玫瑰樹樹下多首蓓首蓓一名懷風時人或謂之光風風在其間常蕭蕭然日照其花有光采故名首蓓為懷風茂陵人謂之連

枝草

西京雜記

太液池邊皆是雕胡紫擇綠節之類菰之有米者長安人謂為雕胡葭蘆之未解葉者謂之紫擇菰之有首者謂之綠節其間鳧雛鴈子布滿充積又多紫龜綠鼈上

永陽縣有山壁立千仞上有石室路古名為

神農窟窟前百藥叢茂上又有異藤

花形似菱菜朝紫中綠晡黃暮青夜赤五色迭

耀異苑

懸腸草一名思子蔓南中呼為離別草述異記

太原晉陽以北生屏風草

桂林有睡草見之則令人睡一名醉草亦呼懶

婦葳出南海也述異記

寡草特生而不叢

紫述香一名紅蘭香一名金桂香亦名射香草

出蒼梧桂林上郡界今吳中有射香草色似紅藍而甚芳香並上

鴻薤之異名

恨山縣山下有石牀傍生野薤人往乞者神許

則風吹制其分齊隨偃而翦不得過越

荆山圖

鄭玄教學處有草如薤而細俗謂康成書帶三齊

記

老君之御者徐甲少賃於老君後隨老君出關飯青牛於野君欲試之乃以吉祥草化為一

美女行至牧牛

戲甲甲惑之

通鑑

桃朱術取子帶之

人為夫所愛生園中細

如芹花紫子作角以鏡向傍敲之則子自發五

月五日收之也

華夷考

苾芻氏西天草名體性柔軟引蔓分布馨香遠

聞能療疾不背日光喻出家人

要覽

霸薰香草名

范子計然

夫須莎也可為蓑笠

詩疏

藟似葛之草一名巨荒

穆木註

高城東南有蒲臺秦始皇東遊海上於臺下蟠
蒲繫馬至今蒲歲生縈委若有繫狀似水楊可
為箭三齊記

十一月采芴勃芴勃白蒿也白菟食之壽八百

年神仙服食經

櫻珠八月之果似桑椹而紅江南俗名水曹淮

上俗名拍判即覆盆子也

舜草今之孝草也

葳蕤草一名麗草又呼為女草江浙中呼草娃

邨悉茗茉莉花皆胡人自西國移植於南海陸

賈南越行紀云南越之境五穀無味百花不香

此二花特芳香者緣自胡國移來不隨水土而

變與夫橘化為枳異矣草木狀

火燔野草車轍所致火所不燔俗或喜之名曰

幸草王符潜夫論

杜芳藤形不能自立根本緣繞他木作房藤連

結如羅網相胷然後皮理連合鬱茂成樹異物志

博士芋蔓生根如鵝鴨卵風土記

江淹去故鄉賦北風拊兮絳花落流水散兮翠
筑疎翠筑草名

尹伯奇採棹花以為食棹花山梨也山梨今名

棠梨其花春開採之日乾瀹之可充蔬孝子傳

侯騷蔓生子如雞卵大既甘且冷輕身消酒又

名簡子藤齊民要術

紫藤葉細長莖如竹根極堅實重重有皮花白

子黑置酒中歷二三十年亦不腐敗其莖截置

烟灸中經時成紫香可以降神

榼藤依樹之蔓草藤也其子紫黑色

象豆三年方熟其殼貯藥歷年不壞生南海解

諸藥毒

蘭子藤生緣樹木正月二月花色四月五月熟

實如梨赤如雄雞冠核如魚鱗取生食之淡泊

甘苦出交趾合浦

野聚藤緣樹木三月花色仍連着實五六月熟

子大如羹甌里民煮食其味甜酢出蒼梧椒藤

生金封山鳥澣人往往賣之其色赤又云似草

芝出與古

並上

葭蒲藤類蔓延他樹以自長養子如蓮菡著枝

葛間一日作扶相連實外有殼裏又無核剥而

食之煮而曝之甜美食之不饑

異物志

種藤附樹作根軟弱須緣樹而作上下條此藤

纏裹樹樹死且有惡汁尤令速死也藤緣樹成

若木自然大者或至十五圍

荊藤圍數寸重於竹可以杖筏以縛船及以為

席勝竹也

並上

含水藤破之得水行者資以止渴

交州記

莉如栴櫚葉疏外皮青多棘刺高五六丈者如

五六寸竹小者如筆管竹破其外青皮得白心

即荊藤類有十許種續斷草藤也一曰諾藤一

曰水藤山行渴則斷取汁飲之治人體有損絕

沐則長髮去地一丈斷之輒便生根至地永不

死

廣州記

東風華葉似落娠婦莖紫宜肥肉作羹味如酪

香氣作馬蘭

廣州記

雞侯菜似艾三月乃生宜雞羹故名之 並上

符堅將欲南伐夢滿城出菜又地東南傾其占

曰菜多難為醬也東南傾江左不得平也 夢書

新野趙貞家園中種蔥忽一日盡縮入地後經

歲餘貞之兄弟相次分散 搜神記

雍菜生水甲可以為菹也 廣州記

冬風菜陸生宜配肉作羹也 上

蕎子生可食 廣志

三藤似真一二三四寸反肥細細色以蜜棧之

味甜酸可以 三 五 一 川 口 口 口 口

爾雅云菜玉 為 菜 蓐 今 呼 為 脚 莎

爾雅曰出隧遽蔬 音 龜 郭璞註云遽蔬似土菌

生菰草中今江東噉之甜滑

爾雅曰鉤芡郭璞註云大如拇指中空莖頭有

臺似薊初生可食

爾雅曰莛菹蓄郭璞註云似小藜赤莖節好生

道傍可食又殺蟲

爾雅曰須菴蕪郭璞註云菴蕪似羊蹄葉細味

酢可食

爾雅曰蒟隱葱郭璞註云似蘇有毛今江東呼為隱葱藏以為菹亦可瀹食

爾雅曰蔗蔗郭璞註云蔗即莓也江東呼蔗莓子似覆盆而大赤酢甜可啖

爾雅曰纂月爾郭璞註云即紫纂也似蕨可食
纂曰纂菜也葉狹長二尺食之微苦即今英菜

也詩曰彼汾沮洳言采其英
一本作莫

爾雅曰菝胝胝郭璞註云似葵紫色詩義疏曰一名芘芘花紫綠色可食似蕪菁微苦陳詩曰

視爾如菝

爾雅曰蒟摯竊衣孫炎云似芹江河間食之實如麥兩兩相合有毛着人衣其花着人衣故曰

竊衣

爾雅曰蒟菟葵郭璞註云頗似葵而小葉狀如藥有毛洵啖之滑

爾雅曰茵鹿藿藿其實蒞郭璞註云今鹿藿也葉似大荳而香蔓延生

詩云言采其遂毛云惡菜也詩義疏曰今羊蹄似蘆菔莖赤煮為茹滑而不美多噉令人下痢

幽陽謂之遂一名蓍

菹 六丑反 草似冬藍蒸食之酢 字林

蕈 而充反 木耳也案木耳煮而細切之和以薑橘

可為菹滑美 齊民要術

莓 下代反 草實亦可食

苴 音乾並上 乾菹也

蕪草生水中

穀菜生水中

焯菜味辛 焯 苴菜 晉 苴菜 呂氏春秋曰菜之美者有

雲夢之苴 苴對反 吟菜似蒜生水中芹菜似蒿也

菹菜紫色有藤藟菜葉似竹生水旁慕菜似蕨

菹菜似蕨生水中蕨菜鼈也詩疏曰秦國謂之

蕨齊魯謂之鼈苴菜似蒜生水邊藝菜似菘荃

菜也一曰深草 藝徐鹽反 菹菜似烏韭而黃 唯音 菘

菜生水中大葉 齊民要術

沈藤生子如齊甌正月華色色仍連著實十月

臘月熟色赤生食之甜酢生交趾

南方草木狀

朶藤生山中大小如苹蔓衍生人採取剥之以

作朶

晉安平有越王餘筭菜長尺許白者似骨黑者

如角古云越王行海會於舟中作籌筭有餘者

棄之於水生焉

合浦有菜名優殿以豈醬茹食之甚香美可食

並上

龍鬚菜出菜州繁生海中石上莖如繒長僅尺

許色始青居人取之沃於水乃白又名繒菜人

頗珍之又司空山南洗藥池齊張巴山浴丹之

所中有龍鬚菜味甘可食日未出浮生水面日

出則沒於水中人潔心以往則隨採可得若渾

以葷腥苦澁不下咽

彙苑

番禺有菜四葉相對夜合晝開名合歡菜

上

朱提郡有堂狼山山多毒草盛夏之月飛鳥過

之不能得去

永昌郡傳

鬼田在竹山縣有地二頃不生樹木惟有茆茨

每歲清明日祭而燎之預占歲之豐歉草盡而

豐 湖廣志

遼東有襄平山多饒鬼目之菜生而有神虎龍

蛇大魚守之雲氣覆之食之令人不饑榮氏注曰鬼目

菜形似魚守芝草常有氣如龍

光虎蛇魚之狀○遁甲開山圖

界中路邊生草悉作人狀操持弓弩牛馬龍蛇

鳥獸之形異其色羽毛頭目足翅皆備

非但彷彿也近世妖是歲有

黃巾賊起漢遂微弱搜神記

吳孫亮五鳳元年六月交趾稗草化為稻昔三

苗將亡五穀變種此草妖也其後亮廢上

咸寧四年立芳蔬園於金墉城東多種異菜有

菜名曰芸薇類有三種紫色者最繁味辛其根

爛熳春夏葉密秋葉冬馥其實若珠五色隨時

而盛一名芸芝其色紫為上蔬其味辛色黃為

中蔬其味甘色青者為下蔬其味鹹常以三蔬

充御膳其葉可以藉飲食以供宗廟祭祀亦止

人饑渴宮人採帶其莖香氣歷日不歇

拾遺記

懷帝末民間園圃皆生蒿棘狐兔遊聚至元熙

元年太史令高堂忠奏熒惑犯紫薇若不早避

當無洛陽乃詔內外四方及京邑諸宮觀林衛

之內及民間園圃皆植紫薇以為厭勝至劉石

姚苻之末此蒿棘不除自絕也

晉書○以下木

木者陽精生於陰故水者木之母也木之為言

觸氣動躍也其字八推十為木八者陰合十者

陽數

元命苞

木名三時莖命一歲若椿从春楸从秋榎从夏

所謂木名三時芋从子黃从寅茆从卯茜从酉

荻从亥芋从丁茂从戊芭从巳莘从辛葵从癸

之類命以一歲支幹故曰草命一歲

董子○以下諸木

山中樹能語者非樹語也其精名曰雲陽

抱朴子○

又山中午日稱仙人者老樹也

一使者率白犬野人問居何地曰居偃蓋山隨

至古松而歿松形果如偃蓋使者乃松精犬乃

茯苓

金陵記

今人稱泰山五大夫俱云五松樹而不知始皇
上泰山封祀風雨暴至休於松樹下遂封其樹
為五大夫五大夫秦官名第九爵也 枕譚

天陵偃蓋之松大谷倒生之栢凡此諸木皆與
天齊其長與地齊其久 抱朴子

千歲松樹四邊枝起上杪不長望而視之有如
偃蓋其中有物或如青牛或如青羊或如青犬

或如青人皆壽千歲 上
松有兩鬣三鬣三鬣者言如馬鬣形 名山記

按子玉策松有子 一曰子玉 為琥珀千年變為石 騰 為威喜 抱朴子

自鹿真松青牛文梓 栢樹賦

栢曰蒼官 園林記
有青桐赤桐白桐宜琴瑟今雲南牂牁人績以

為布 詩義疏
虞氏縣有盧君古塚塚旁栢二株枝條蔭茂二

百餘畝樹文隱起皆如龜甲根勁如銅石

梧桐斷角馬髦截玉

淮南子

王者任用賢良則梧桐生於東廂

瑞應圖

桐君采藥於桐廬縣山結廬於桐下人問其姓

名自號桐君

惠紹將於東石室自焚臨終謂同學曰吾燒身

處當生梧桐其後三日果生焉

高僧傳

何敬叔少奉佛法作一檀像未有木先夢一沙

門衲衣杖錫來云縣後何家桐甚惜苦求庶可

得如夢求之果獲

夢雋

句章吳平州門前忽生一株青桐樹上有歌謠

之聲平惡而砍殺平隨軍北虜首尾三載死桐

斲自還立於故樹根上聞聲樹顛空中歌云死

樹今再青吳平尋當歸適聞殺此樹已復有光

輝 異苑

嵩山嵩陽觀東古栢五株積翠婆娑可愛中有

一株尤大一石刻曰漢武帝封大將軍

少林集錄

傅大士知梁運將盡救愍兵灾乃然臂為炬冀

禳來福山有古松傅大士曾於松間願度衆生

以斧為誓至今松木斧痕猶在其飼虎之餘飯
棄擲林間化而為石青白錯雜可作數珠謂之
飯石至今長存大士傳

秦始皇時終南山有梓樹大數百圍蔭宮中始
皇惡之興兵伐之天輒大風雨飛沙石人皆疾
走至夜瘡皆合有一人中風雨傷寒不能去留

宿夜聞有鬼來問樹言秦王凶暴相伐得不困
耶樹曰來即作風雨其奈我何又曰秦王使三
百人被頭以赤絲繞汝得無敗乎樹冥然

聲病人... 出逐之走入河於是... 旋頭騎

桂一名止唾吳氏本草

君乘金而王其政訟平芳桂常生禮斗威儀

閼河之北有紫桂成林其實如棗羣仙餌焉故
韓終采藥詩云閼河之桂實大如棗得而食之
後天而死拾遺記

羅浮山頂有桂山海經所謂賁禺之桂羅浮山記

元鳳二年於琳池之南起桂臺以望遠氣有一

連理桂樹上枝跨於渠水下枝隔岸而南生與上枝同一株拾遺記

謝康樂集言竹間水際多牡丹

張公嘗言北齊楊子華畫牡丹極分明則知北

齊有牡丹矣

古今注

煬帝闢地二百里爲西苑詔天下進花卉易州進二十種牡丹有頰紅鞞紅飛來紅袁家紅醉妃紅雲紅天外紅一拂黃軟條黃延安黃先春紅顫風嬌等名海記

桑木者箕星之精神木也蟲食葉爲文章人食

之老翁爲小童典術

神農耕桑得利究年受福孝經援神契

伊尹母孕行汲水化爲枯松其夫尋至水濱見

桑空中有兒乃收養之書大傳

按春秋孔演圖孔子亦生於空桑

惜烏先生避世於芒尚山其子居焉化民食桑三十七年以絲自裹九年生翼九年而死其桑長千仞蓋蠶類也去瑯琊二萬六千里括地圖

曰道途兒童多唱此帝默然久之曰天啓之也
 因索酒自爲歌曰宮木陰濃燕子飛興衰自古
 漫成悲他日迷樓更好景官中吐艷變紅輝後
 帝幸江都唐帝起兵入京焚迷樓火經月不滅
 柠一作楮木之實之赤者餌之一年老者還少令
 人徹視見鬼昔道士梁須年七十乃服之轉更
 少至年百四十歲能夜書行及奔馬後入青龍
 山去抱朴子

杉一名披黏合浦東二百里有杉一樹漢安帝
 永初五年春葉落隨風飄入洛陽城其葉大常
 杉數十倍術士廉盛曰合浦東杉葉也此休徵
 當出王者帝遣使驗之信然草木狀

槐榆與橘柚合爲兄弟有苗與三危同爲一家
淮南子

棗雞口槐兔目桑鼃眼榆負瘤雜木鼠耳

晉陵都城北角有槐木一日之間三榮三悴

侯白嘗與楊素並馬言語路傍有槐樹顛顛死
 素乃曰侯秀才理道過人能令此樹活否曰能

素云何計得活曰取槐樹子於樹枝上懸着即當自活素云因何得活答曰可不聞論語云子在回

關中人槐何敢死素大笑廣記

交趾定安縣有木綿樹高丈餘實如酒杯口有

綿如蠶之綿也又可作布名曰白縹一名毛布

又云交趾有榲木其皮中有如白米屑者乾擣

之以水淋之似麵可作餅吳錄

合歡似梧桐枝葉如梧桐結實風來解使人不忿稽

之理之

口給之花似柰柰實之曰日給虛虛之與真實

相似也杜恕篤論

顧渚山有櫨汝耿反子樹其木如玉色渚人採之

以為杖述異記

辰州嵩溪有丹青樹枝葉直上籠雲下無枝條

上有五色葉圓如華蓋故號丹青樹俗謂之五

采樹今在辰州辰陽縣上

楓香樹似白楊葉圓而岐分有脂而香其子大

如鴨卵二月花發乃著實八九月熟曝乾可燒

惟九真郡有之 南方草木狀

榕樹南海桂林多植之葉如木麻實如冬青樹
幹拳曲是不可以為器也其本稜理而深是不
可以為材也燒之無焰是不可以為薪也以其
不材故能久而無傷其蔭十晦故人以為息焉
而又枝條既繁葉又茂細軟條如藤垂下漸漸
及地藤梢入地便生根節或一大株有根四五
處而橫枝及隣樹即連理南人以為常不謂之
瑞木 上

日御北至夏德南宣王蒸榮心氣動上玄謂之

珍樹含艷丹閑 王蒸木槿也
○王延之贊

木槿夕死朝榮士亦不長貧也 東方朔與丞相
公孫弘書

程雅問櫨木名曰無患何也答曰昔有神巫曰
寶眊能以符効百鬼得鬼則以此木為棒棒殺
之世人競取此為器以厭却邪魅故號曰無患

古今注

五嶺楓木歲久生癭遇雷雨暗長三五尺謂之
楓人取之作術有通神之驗取之不以法則化

而去之不可得 南方草木狀

有樹名獨根分為二枝其東向一枝是木威樹

南向一枝是橄欖樹 金樓子

櫻欄一名鬣葵 丹鉛錄

繫迷駁馬皆木也 詩疏

人參千歲為小兒枸杞千歲為犬子楓脂千歲

為琥珀 本草

橫之 司公塚上其美者善

色 也 六 也 七 也 楮木生孔子 丁 二 也 其 於 沙 疎 而 之

屈以背得其直也 淮南子

曲阜縣南十里有孔子春秋臺曲阜古城有顏

回墓墓上石楠縣樹二株可三四十圍士人云

顏回手植 述異記

孔子冢塋中樹數百皆異種魯人世世無能名

者人傳言孔子弟子異國人持其國樹來種之

故有柞粉雜離女貞五味旃檀之樹 皇覽冢記

古有神婦負土欲塞谷繩絕墜負柞木因成二

樹其大數圍 秦州記

文種曰吳王好起宮室用工不輟王選名山神木奉而獻之越王乃使木工三千餘人入山伐木一年作工思歸皆有怨望之心而歌木客之吟一夜天生神木一雙大二十圍長五十尋陽爲文梓陰爲榎楠巧工施校制以規繩雕治圓轉刻削磨礪分以丹青錯畫文章嬰以白璧鏤以黃金狀類龍虵文彩生光乃使大夫種獻之於吳王曰東海役臣孤勾踐使臣種敢因下吏聞於左右賴大王之力竊爲小殿有餘材謹再拜獻之吳王大悅

吳越春秋

戰國時諸侯苦秦之難有民從征伐秦不返其妻思之而卒旣葬塚上生木枝葉皆向夫所在而傾因謂之相思木

述異記

昔有一人好道而不知求道之方唯朝夕拜跽向一枯樹輒云乞長生如此二十八年不倦枯木一旦忽生花花又有汁甜如蜜有人教令食之遂取此花及汁並食之食訖卽仙

獨異志

徐孺子與郭林宗遊學同雅還家林宗庭有一

樹欲伐去之稚乃問其故林宗曰爲宅之法方正如口口中有木困字不祥也是以去之稚難
林宗曰爲宅之法方正如口口中有人囚字豈
可居之林宗默然無對

御覽

桂陽太守江夏張遼叔高去鴈令家居買田田
中有大樹十餘圍扶疏蓋數畝地播不生穀遣
客伐之六七血出客驚怖歸高叔高高大怒
老樹汁出此何等血日不所之血大流
灑叔高使先斫其枝上石一可長

四五尺忽出往赴叔高高乃逆斫之凡殺四
左右皆怖伏地而叔高恬如也徐熟視非人非
獸也遂伐其木其年應司空辟侍御史兗州刺
史以二千石之尊過鄉里薦祝祖考白日繡衣
榮羨如此其禍安居春秋國語曰木石之怪夔
魍魎物惡能害人乎

異苑

李正字弘卿學道見東王公教之十七年後忽
身死家人埋之於武陵而塚上生花樹高七尺
有人遇見此花皆聰明盛文章

武陵上十仙傳

廣雅釋名卷之四十二
三
高碑堂
邠原常行遼東得遺錢拾以繫樹枝此錢既不
見取而繫錢者多原問其故答曰謂之神樹原
惡其由已而成淫祀乃辨之里中遂斂其錢以
爲社供 別傳

建安二十五年正月魏武在洛陽起建始殿伐
濯龍樹而血出又掘徙梨根傷而血出魏武惡
之遂寢疾是月崩 搜神記

靈帝熹平中有樗樹暴長丈餘大一圍作胡人
狀頭目鬚髮皆具京房易傳曰王德衰下人將
起則有木人之狀 後漢書

熹平中長安空樹中有人面生鬚 上

無錫縣有四株茱萸樹相摻而生狀若連理先
是郭景純筮延陵蠓鼠遇臨之益曰後當復有
妖樹生若瑞而非辛螫之木也倘有此東西數
百里必有作逆者及此木生其後徐馥果作亂
亦草妖也 晉書

王梵志衛州黎陽人也黎陽城東十五里有王
德祖當隋文帝時家有林檎樹生瘦大如斗經

三年朽爛德祖見之乃剖其皮遂見一孩兒抱
胎而德祖收養之至七歲能語曰誰人育我德
祖具以實語之因名曰林木梵天後改曰梵志
曰王家育我可姓王也梵志乃作詩示人甚有
義旨 史遺

昔有國王有一好樹高廣極大當生勝果香而
甜美時有一人來至王所王語之言此樹之上
將生美果汝能食不卽答王言此樹高廣雖欲
食之何由能行卽便斲樹王時六果既無所獲
徒自勞苦後還欲斲樹已枯死都無生理世間
之人亦復如是如來法王有持戒樹修諸功德
不解方便反毀其禁如彼伐樹復欲還活都不
可得破戒之人亦復如是 百喻經

昔迦毘羅國梵摩淨德長者園樹生耳如菌取
而食之隨取隨長迦那提婆尊者至其家長者
問菌所自尊者曰汝家曾供養一比丘道眼不
明虛沾信施報爲木菌乃說偈曰入道不通理
復身還信施汝年八十一此樹不生耳長者年

八十一 樹果不生菌

法苑珠林

不生耳其味平

廣博物志卷之四十二 八十一 樹果不生菌 法苑珠林 不生耳其味平

廣博物志卷之四十二 八十一 樹果不生菌 法苑珠林 不生耳其味平

廣博物志卷之四十二 八十一 樹果不生菌 法苑珠林 不生耳其味平

廣博物志卷之四十二 八十一 樹果不生菌 法苑珠林 不生耳其味平

廣博物志卷之四十二 八十一 樹果不生菌 法苑珠林 不生耳其味平

廣博物志卷之四十二 八十一 樹果不生菌 法苑珠林 不生耳其味平

廣博物志卷之四十二 八十一 樹果不生菌 法苑珠林 不生耳其味平

廣博物志卷之四十二 八十一 樹果不生菌 法苑珠林 不生耳其味平

